

AKHBAR : HARIAN METRO

MUKA SURAT : 10

RUANGAN : SETEMPAT

Racun China masuk KL

■ Kedai runcit milik warga asing jual ubat haram untuk pasaran tempatan diserbu

Mohd Jamilul Anbia Md Denin
anbia@hmetro.com.my

Kuala Lumpur

Bukan hanya menjual barang runcit, malah puluhan kedai milik warga China yang tumbuh raksus di ibu kota menjadi pusat mengedarkan ubat-ubatan haram dari China.

Aktiviti itu dibuktikan susulan tindakan pihak berluasa menggempur pasar mini dan kedai runcit milik warga asing ini melalui operasi Op Sifu diadakan besar-besaran semalam.

Pengarah Kesihatan Negeri Jabatan Kesihatan Wilayah Persekutuan Kuala Lumpur dan Putrajaya, Dr Param Jeeth Singh Palcar Singh berkata, pihaknya menjalankan risikan sejak dua bulan lalu susulan aduan diterima berhubung premis perniagaan yang menjual pelbagai ubat-ubatan buatan China tanpa kejulusan Kementerian Kesihatan Malaysia (KKM).

Menurutnya, hasil risikan dilakukan pihaknya mendapati kebanyakan premis menjual produk buatan China ini beroperasi sekutu ibu kota.

"Mereka menjual produk mengandungi racun berjerajud dan produk kesihatan yang tidak berdaftar secara berleluasa.

"Kegiatan ini didalangi warganegara China dan kebanyakannya produk ini diseludup dari China," katanya.

Menurutnya, aktiviti penjualan racun berjerajud dan produk kesihatan tidak berdaftar ini dijual secara terbuka di dalam kedai runcit atau pasar mini kepada peniaga China.

"Kawasan sasaran operasi adalah kawasan yang dihuni ramai warga China," katanya.

Beliau berkata, susulan bukti dikumpulkan, satu operasi khas membabitkan 60 pegawai Cawangan Penguatuksaan Farmasi, Bahagian Perkhidmatan Farmasi Wilayah Persekutuan Kuala Lumpur dan Putrajaya serta ibu pejabat Bahagian

“

Selain itu terdapat ubat antihistamine yang mengandungi loratadine dan cetirizine serta ubat NSAIDS (anti-radang tulang steroid) yang mengandungi ibuprofen dan mefenamic acid”

Dr Param Jeeth Singh

Perkhidmatan Farmasi KKM melancarkan serbuan mengejut jam 10 pagi semalam.

"Sebanyak sembilan premis perniagaan warga China diperiksa dan diserbu serentak. Ia membabitkan premis di Taman Maluri, Jalan Pudu, Taman Usahawan Kepong, Taman Desa, Jalan Klang Lama dan Jalan Kuchai Lama di sini.

"Hasil serbuan itu, sebanyak 315 jenis produk ubat-ubatan tidak berdaftar bernilai lebih RM130,000 dirampas," katanya.

Menurutnya, ubat-ubatan dan produk kesihatan tidak berdaftar dirampas itu didapati dipamerkan secara terbuka di semua premis yang diserbu.

"Antara ubat-ubatan yang dirampas membabitkan ubat antibiotik yang mengandungi amoxicillin, tetracycline dan cefuroxime.

"Selain itu terdapat ubat antihistamine yang mengandungi loratadine dan cetirizine serta ubat NSAIDS (anti-radang tulang steroid) yang mengandungi ibuprofen dan mefenamic acid.

"Semua bahan kimia itu adalah racun berjerajud yang dikawal mengikut Akta Racun 1952. Stasatan lanjut ke atas semua premis akan diteruskan mengikut Akta Racun 1952 dan Akta Jualan Dadah 1952," katanya.

Menurutnya, perbuatan memiliki atau menjual produk kesihatan tidak berdaftar dengan KKM adalah melanggar Peraturan 7(1)(a). Peraturan-Peraturan Kawalan Dadah dan Kosmetik 1984 dan boleh dihukum mengikut Seksyen 12(2) Akta Jualan Dadah 1952 yang mana jika sabit kesalahan boleh dikenakan

hukuman denda sehingga RM50,000 untuk kesalahan pertama dan denda sehingga RM100,000 untuk kesalahan berikutnya.

Sementara itu, tinjauan mendapati kebanyakan premis diserbu dikendalikan lelaki atau wanita warga China yang tidak boleh berbahasa Melayu.

Mereka dilihat terkejut dengan kehadiran pegawai KKM dan akur terhadap tindakan undang-undang.

Harian Metro semalam mendedahkan kewujudan rangkaian perniagaan warga asing China yang aktif membuka perniagaan runcit di Lembah Klang.

Mereka didapati gernar membuka pasar minyak, kedai runcit dan premis menjual ubat-ubatan tradisional dengan menjadikan rakyat tempatan sebagai sleeping partner (rakan niaga tidak aktif).



PELBAGAI produk di rak premis diperiksa sebelum dirampas.

AKHBAR : HARIAN METRO

MUKA SURAT : 11

RUANGAN : SETEMPAT



Waspada ubat tanpa kelulusan

Kuala Lumpur: Berhati-hati dan jangan sewenang-wenang membeli ubat-ubatan tanpa notifikasi dan kelulusan Kementerian Kesihatan Malaysia (KKM).

Ibu amaran diberikan susulan lambakan dan kebanjiran ubat-ubatan haram diseludup secara besar-besaran dari Bangladesh, Indonesia, Thailand dan China ke negara ini.

Lebih membimbangkan apabila ubat-ubatan ini diharamkan dijual di negara asal sebelum diseludup masuk untuk pasaran tempatan susulan permintaan dari warga mereka yang bekerja di sini.

Pengarali Kesihatan Negeri Jabatan Kesihatan Wilayah Persekutuan Kuala Lumpur dan Putrajaya, Dr Param Jeeth Singh Pakar Singh berkata, pengguna perlu sentiasa berhati-hati membeli ubat-ubatan,

produk kesihatan dan kosmetik untuk mengelakkan bahaya yang mungkin timbul apabila menggunakan produk tidak berdaftar dan kosmetik tidak bermotifikasi.

Menurutnya, produk berdaftar mempunyai nombor pendaftaran MAL dan label Hologram Meditag pada bungkusannya.

"Semua pembekalan ubat-ubatan yang mengandungi racun berjudual (Ubat Terkawal) adalah tertakluk di bawah Akta Racun 1952 yang perlu dipatuhi pengamal perubatan dan ahli farmasi.

"Orang awam juga boleh menyemak status pendaftaran sesuatu produk melalui laman <http://npra.moh.gov.my> atau dengan menghubungi Bahagian Regulatori Farmasi Negara di talian 03-78835400. Selain itu, orang ramai juga boleh

memuat turun aplikasi NPRA Product Status daripada Google Play Store bagi menyemak status pendaftaran produk itu," katanya.

Orang ramai turut boleh menghubungi 03-78413200 supaya tindakan sewajarnya dapat diambil bagi membanteras penjualan produk ini di pasaran.

PEGAWAI penguat kuasa memeriksa produk haram yang dirampas.

AKHBAR : HARIAN METRO

MUKA SURAT : 30

RUANGAN : SETEMPAT

Stigma Hospital Permai perlu diubah

BAYU BERACUN BERULANG

Pasir Gudang: Mereka bukan alami masalah mental! itu penjelasan Jabatan Kesihatan berhubung tindakan membawa murid sekolah di sekitar Pasir Gudang ke Hospital Permai, Tampoi, di sini.

Pengarah Jabatan Kesihatan Negeri Johor (JKNJ), Dr Selahuddeen Abd Aziz berkata, stigma yang mengatakan Hospital Permai adalah untuk orang sakit mental sahaja perlu diubah.

Menurutnya, langkah diambil membawa murid itu bertujuan memberikan so-

kongan dari segi psikologi selepas beberapa ujian saringan dijalankan di sekolah masing-masing.

Beliau menegaskan, perkara itu (sokongan psikologi) boleh dibuat di hospital lain, namun menjadikan Hospital Permai sebagai lokasi memberikan rawatan dan sokongan bagi kes gangguan kesihatan di Pasir Gudang.

"Kita ada lakukan ujian saringan. Mula-mula rujuk kaunselor di sekolah, lepas ujian harus ada tindakan. Kesihatan ini bukan hanya fizikal, tetapi psikologi. Kita nak rawat kedua-duanya sekali.

"Hospital biasa ada juga, tetapi tidak cukup (muat). Persepsi masyarakat sahaja yang mengatakan Hospital Permai ini untuk orang sakit mental. Sebenarnya apa kita mahu pastikan sekarang, anak-anak ini sihat selepas ini," katanya ketika ditemui selepas melawat Sekolah Kebangsaan (SK) Tanjung Puteri Resort di sini, semalam.

Beliau berkata demikian ketika diminta mengulas luahan segelintir ibu bapa yang tidak berpuas hati apabila anak mereka yang terjejas dalam insiden kesihatan diarahkan untuk dirujuk ke Hospital Permai, Tampoi.

Dr Selahuddeen berkata, tujuan merujuk murid yang mengalami simptom itu lebih kepada mahu mengenal pasti masalah yang tidak dapat diselesaikan.



DR Selahuddeen

AKHBAR : SINAR HARIAN
MUKA SURAT : 36
RUANGAN : PANTAI TIMUR

Kes denggi serius di Kelantan

Tiga kematian tahun ini dicatatkan di Kelantan

ROSALWANI CHE SOH

TANAH MERAH

Tiga kematian akibat denggi dicatatkan dari Januari hingga Julai tahun ini berbanding satu kes tahun lalu.

Pengarah Kesihatan Kelantan, Dr Zaini Hussin berkata, keadaan itu adalah serius dan kes denggi di Kelantan juga menunjukkan peningkatan sebanyak 2,266 berbanding 546 kes tahun lalu dalam tempoh yang sama.

Menurutnya, jumlah wabak pula sebanyak 172 dicatatkan tahun ini berbanding 36 pada tahun



Pegawai kesihatan turut memberi nasihat dan maklumat kepada penduduk mengenai kepentingan menjaga kawasan sekitar supaya bebas wabak denggi.

sebelumnya membabitkan 59 kawasan yang aktif.

"Kita telah melaksanakan tindakan pencegahan dan kawalan

denggi di seluruh Kelantan dengan melakukan pemeriksaan pembiakan aedes ke atas 245,999 premis termasuk kediaman dan

kawasan perniagaan.

"Sebanyak 7,801 premis dikesan ada jentik-jentik jenis aedes," katanya dalam kenyataan selepas Ops Denggi di Tanah Merah semalam.

Zaini berkata, sebanyak 1,377 kompaun dikeluarkan di bawah Akta Pemusnahan Serangan Pembawa Penyakit (APSP) 1975 dengan nilai RM688,500.

"Kita keluarkan 625 Notis Seksyen 8 bagi arahan kerja pembersihan dan permusnahan tempat berpotensi menjadi pembiakan aedes.

"Sebanyak 424,548 premis dikunjungi dan semburan dilaksanakan untuk membunuh nyamuk," katanya.

Beliau memberitahu penghapusan larvicing dilakukan di 215,545 premis bagi memusnahkan jentik-jentik.

Dr Zaini turut menyarankan

Tindakan
Jabatan Kesihatan

424,548

Premis dikunjungi

245,999

Premis diperiksa

1,377

Kompaun

59

Kawasan aktif

masyarakat mengamalkan langkah pencegahan dengan meluangkan masa 10 minit mencari dan memusnahkan tempat pembiakan nyamuk itu selain menggunakan ubat jentik-jentik.